

Podsjetni list za biootpad

Gdje je najbolje da postavim spremnik za biootpad?

Spremnik za biootpad nikada ne bi trebao da stoji na jakom suncu, već bi se trebao postaviti u hlad. Na taj način se mogu izbjeći neugodni mirisi.

Kako da sakupljam biootpade?

Biootpadi bi trebali uvijek biti zamotani u novinski papir. Novinski papir (ne časopisi ili sjajni papir) kao i kartoni za jaja, kuhinjski ubrusi ili salvete pomažu da se upije višak tečnosti. Ti materijali se mogu zajedno sa biootpadom ubaciti u spremnik za biootpad. Oni će u kompostanama biti pretvoreni u vrijedan kompost. Kompostne papirne kese za predsortirajuće posude i spremnike za biootpad su dostupne u radnjama, kao i kod reciklažnih dvorišta.

Nemojte biootpad nikada zapakovati u plastične kese! Čak ni kada su one označene kao kompostne.

Šta da radim sa spremnikom za biootpad pri velikim vrućinama?

Stavite spremnik za biootpad u hlad. Pobrinite se oko toga da se dovoljno zraka može širiti između biootpada. Ubacite između biootpada jednostavno male grančice i grane iz Vašeg vrta ili izgužvan novinski papir i kuhinjske ubruse ili kartonske kutije. Na taj način se sprječava da biootpad počne da trune i da bude napadnut od štetočina. Ako uprkos tome dođe do napada štetočina, onda pomaže kalcijum cijanamid (dostupan u stručnim vrtlarskim radnjama). Nikada nemojte prospati tečnosti kao supe ili sosove u spremnik za biootpad!

Kako da rukujem sa spremnikom za biootpad zimi?

Zimi je i spremniku za biootpadu "studeno". Biootpad može da smrzne i da pri pražnjenju više ne ispada iz spremnika za biootpad. Ovdje je od pomoći ubacivanje zgužvanog novinskog papira na dno spremnika za biootpad. Papir će upiti tečnosti i spriječiti smrzavanje biootpada na dnu spremnika. Najbolje bi bilo kada biste za svoj spremnik za biootpad mogli pronaći stajalište zaštićeno od smrzavanja u garaži i. sl.

Kako da čistim spremnik za biootpad?

Spremnik za biootpad po potrebi čistite sa čistom vodom. Sredstva za čišćenje nisu potrebna za tu svrhu i neprikladna su jer se pri kompostiranju često ne mogu razgraditi. Nakon čišćenja spremnika ostavite podignut poklopac kako bi se spremnik osušio.

Ovo se smije odložiti u spremnik za biootpad:

Razgradiv kuhinjski otpad:

ostaci kora od krompira, ostaci kora od voća (čak i od citrusnog voća), otpadi od povrća i salata, ljuške od jaja, ostaci hrane, malene kosti, riblje kosti, ostaci od ribe, ostaci od hljeba i kuhinjski ostaci, kesice od čaja, trule namirnice (bez pakovanja).

Vrtni otpadi:

grančice, pokošena trava, lišće, korov, ostaci biljaka, korijenje, crvljivo voće (čak i buđavo).

Ostalo:

uvenulo cvijeće, saksijsko bilje, balkonsko bilje sa zemljom, kosa, pera, kuhinjski ubrusi, kartoni za jaja, papirne salвете, pilovina i drvena vuna od neobrađenog drveta, vrećice za voće i hljeb, male količine novinskog papira za zamotavanje kuhinjskog otpada.

Ovo se NE smije odložiti u spremnik za biootpad:

Biljke sa bakterijom paleži se NE smiju odlagati u spremnik za biootpad.

Preostali otpad:

ostaci cigareta, pepeo, pelene, higijenski ulošci, zavojni materijali, vuneni jastučići, vrećice za usisivače, ulično smeće, koža, tapete, kamenje, tekstili, plastične kese (važi i za kompostne plastične kese), papirni ubrusi iz liječničkih ordinacija, maramice itd.

Vrijedne sirovine:

plastična prodajna ambalaža (čaše, folije, plastične kese i flaše)
kompoziti (pakovanja od mlijeka i sokova)
metali (limenke od pića, aluminijske posude, konzerve)
staklo (flaše)
papir (čist papir, karton, itd.)

Problematične tvari:

(moraju u sakupljanje problematičnog otpada)
hemikalije/otrovi, tečne boje, lakovi, dezinfekciona sredstva, rastvarači, sredstva za zaštitu bilja, sredstva za čišćenje, otpadna ulja (vratiti prodavaču), baterije (vratiti u maloprodaju, stručne radnje električne opreme, reciklažno dvorište)

Molimo Vas da obratite pažnju:

Gostione, kantine i restorani brze hrane i sl. smiju u spremnik za biootpad ubacivati samo sirove otpade voća i povrća. Oni su obavezni da koriste spremnik za ostatke hrane. (Pogledati poseban podsjetni list)

Informacije za gospodarske spremnike za biootpad i korisnike spremnika za ostatke hrane dostupne su kod gospodarskog savjetovaništa pod tel. brojem: 07452 6006 – 7050.

Stanje: januar 2016. god.